

- P A P L I S K I S A -

Pa plis ki sa, pa plis ki sa ou yé-a
Pa plis ki lèv-ou anlè ta-mwen pou mwen pa pè ayan.
Pa plis ki sa, ki dé braïw ka vlopé mwen.
Sérè mwen fò é fè mwen kwè man pé ké janmen mò.

Pa dot ki wou pou nou fè jaden Lédèn
Pa dot ki wou, sa matjé dan bwa lébèn.

Pa bizwen plis ki sa, plis ki sa ou yé-a
Pas man ja fè chimen, man sav sa ki bon pou mwen
Man pa lè plis ki sa, plis ki sa ou yé-a
Pé ké chèché pli lwen, man touvé sa ki fo mwen.

Pa plis ki sa, ki tou sa ou ka ban mwen
Lè ou lévé ka souri lé bonmaten sé soley pou tout lajounen.
Pa plis ki sa, an lapòt wouwè anlè nanm-ou.
Chak fwa ou gadé mwen man savé pé pa ni dot pou mwen.

Pa ni kon wou pou tjiré la man blésé
Pa ni kon wou pou dousi pli gwo lenbé

Pa bizwen plis ki sa, plis ki sa ou yé-a
Pas man fè bon chimen, pou jwenn sa ki bon pou mwen
Man pa lè plis ki sa, plis ki sa ou yé-a
Pé ké alé pli lwen pou touvé sa ki fo mwen.

Ou ni tout	É menm plis ki sa mwen té pé espéré
Ou sav tout	Sa pou di, sa pou fè, san garé
Ou sa fè tout	Pou man toujou wè siel-la blé douwan mwen
É séw ki tout	Wi séw ki tout pou mwen...

Man pa bizwen plis ki sa, pa plis ki sa...
É mwen pa lè plis ki sa, plis ki sa ou yé-a